

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U TEŠNJU
Broj, 39 0 K 075315 24 K
Dana, 22.10.2025. godine

U IME FEDERACIJE BIH!

Općinski sud u Tešnju, sudija Besima Ajanović, uz sudjelovanje zapisničara Hadžan Ninele, u krivičnom predmetu protiv optuženih B. J. zv.“J.“ sin B. iz J. ulica T. broj ..., općina Tešanj, M. M. sin M. iz J. ulica T. ..., općina Tešanj i B. A. zv.“O.“ sin M. iz J. ulica T. broj ..., općina Tešanj, zbog počinjenog krivičnog djela „Oštećenje tuđe stvari“ iz člana 293. stav 1. u vezi sa članom 31, KZ FBiH, po optužnici Kantonalnog tužilaštva ZE-DO Kantona Zenica broj: T04 0 KT 0060376 24 od 04.10.2024. godine, nakon održanog ročišta za razmatranje izjavi o priznanju krivnje i izricanja krivično pravne sankcije, u prisutnosti tužitelja Kantonalnog tužilaštva ZE-DO kantona Redžo Delić, optuženih lično B. J., B. A., M. M. i njihovog branioca Brkić Alemdar advokat iz Tešnja, dana 03.10.2025. godine donio je i javno objavio sljedeću:

P R E S U D U

1.B.J., zv. J., sin B. i majke Z., dj. B., rođen 26.07.1985. godine u mjestu K., općina Tešanj, nastanjen na adresi J., ulica T. broj ..., pismen, sa srednjom školom, po zanimanju konobar, zaposlen, oženjen, lošeg imovnog stanja, po narodnosti Bošnjak, državljanin BiH, vojsku nije služio, bez činova i odlikovanja, JMBG: ..., neosuđivan, ,

2.M. M., sin M. i majke H., dj. B., rođen 25.11.1978. godine u D., nastanjen na adresi J., ulica T. ..., pismen, sa završenom srednjom školom, po zanimanju automehaničar, zaposlen, oženjen, srednjeg imovnog stanja, po narodnosti Bošnjak, državljanin BiH, vojsku služio u Zenici, bez činova i odlikovanja, JMBG: 2..., neosuđivan,

3.B. A., zv. O., sin M. i majke H., dj. I., rođen 02.07.1962. godine u D., nastanjen na adresi J., ulica T. ..., pismen, sa srednjom školom, po zanimanju vozač, nezaposlen, oženjen, srednjeg imovnog stanja, po narodnosti Bošnjak, državljanin BiH, vojsku je služio, bez činova i odlikovanja, JMBG: ..., neosuđivan,

K R I V I S U

Što su zajedno:

Dana 14.08.2024. godine, oko 12,30 sati, na području općine T., u mjestu J., u ulici T., uništili i učinili neupotrebljivu tuđu stvar, na način da su nakon događaja opisanog pod tačkom 1. i kada se Vi. G. povukao do svoje kuće, isti bacali kamenje prema njegovoj kući,

kojom prilikom su razbili stakla na metalnim dvodijelnim vratima i na trokrilnom prozoru u dijelu zatvorenog stepeništa, oštetivši na taj način vlasnika G. V. za neutvrđeni iznos,

čime su počinili krivično djelo „Oštećenje tuđe stvari“ iz člana 293. stav 1. u vezi sa članom 31. KZ F BiH, pa im se na osnovu istih zakonskih propisa i uz primjenu odredaba člana 47. i 49. KZ F BiH izriče

NOVČANA KAZNA

U IZNOSU OD **PO** 500,00 KM (pet stotina konvertibilnih maraka) koju novčanu kaznu optuženi su dužni platiti u roku od 30 dana od dana pravosnažnosti presude a ukoliko novčana kazna ne bude plaćena u navedenom roku ista će se zamjeniti kaznom zatvora tako što će se za svaki započelih 100,00 KM novčane kazne odrediti jedan dan zatvora.

Optuženi se obavezuje da na ime troškova krivičnog postupka-paušala plate iznos od **po** 50,00 KM u roku od 30 dana računajući od dana pravosnažnosti presude.

Oštećeni G. V. sin I. iz J., T. broj ... se sa imovinsko pravnim zahtjevom upućuje na parnični postupak.

O b r a z l o ž e n j e

Kantonalno tužilaštvo ZE-DO kantona Zenica optužnicom broj: T04 0 KT 0060376 24 od 04.10.2024. godine, optužilo je B. J. zv.“J.“ sin B. iz J. ulica T. broj .., općina Tešanj, M.M. sin M. iz J. ulica T. ..., općina Tešanj i B. A. zv.“O.“ sin M. iz J. ulica T. broj .., općina Tešanj, zbog počinjenog krivičnog djela „Oštećenje tuđe stvari“ iz člana 293. stav 1. u vezi sa članom 31, KZ FBiH

Sudija za prethodno saslušanje ovog suda potvrdio je ovu optužnicu dana 23.10.2024. godine.

Na ročištu za izjašnjenje o krivnji optuženih, nakon što je u smislu odredaba člana 13. ZKP-a, poučeni o svojim pravima izjavili su da su izvršili radnje na način i vrijeme kako je to opisano u dispozitivu ove presude, da su izvršili predmetno krivično djelo i da priznaju krivnju.

Nakon razmatranja izjave o priznanju krivnje uvjerenje suda je da je do priznanja krivnje došlo dobrovoljno, sa razumijevanjem da su optuženi svjesni svih posljedica i obaveza koje proističu iz priznanja krivnje te da postoji dovoljno dokaza o krivnji optuženih, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage i to: Zapisnik o saslušanju svjedoka H. D. od 04.09.2024. godine, Zapisnik o saslušanju svjedoka K. S. od 03.09.2024. godine, Zapisnik o uviđaju broj: 08-02-11/1-1-199/24 od 14.08.2024. godine, Fotodokumentacija broj 199/24 od 14.08.2024. godine, Izvod iz kaznene evidencije za

optuženog B. J. od 06.09.2024. godine, Izvod iz kaznene evidencije za optuženog M. M. od 06.09.2024. godine i Izvod iz kaznene evidencije za optuženog B. A. od 06.09.2024. godine.

Priznanjem optuženog koje je priznanje je potkrepljeno materijalnim dokazima nesumnjivo proizilazi da su optuženi dana 14.08.2024. godine, oko 12,30 sati, na području općine Tešanj, u mjestu J., u ulici T., uništili i učinili neupotrebljivu tuđu stvar, na način da su nakon događaja opisanog pod tačkom 1. predmetne optužnice i kada se V. G. povukao do svoje kuće, isti bacali kamenje prema njegovoj kući, kojom prilikom su razbili stakla na metalnim dvodijelnim vratima i na trokrilnom prozoru u dijelu zatvorenog stepeništa, oštetivši na taj način vlasnika G. V. za neutvrđeni iznos, čime su se u radnjama optuženih stakla sva bitna obilježja bića krivičnog djela „Oštećenje tuđe stvari“ iz člana 293. stav 1. u vezi sa članom 31. KZ F BiH, pa kako su optuženi bili svjesni svojih djela i htjeli njegovo izvršenje, to je sud optužene oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije, sud je cijenio na strani optuženih sve okolnosti koje su od značaja za odmjeravanje kazne. Od olakšavajućih okolnosti sud je našao da optuženi priznaju izvršenje djela koje im se stavlja na teret, da pokazuju iskreno kajanje, da su porodični i da do sada nisu osuđivani, otežavajuće okolnosti sud nije našao, pa imajući u vidu navedene olakšavajuće i uz odsustvo otežavajućih okolnosti sud je optuženim izrekao noćanu kaznu u iznosu od **po** 500,00 KM (pet stotina konvertibilnih maraka) koju novčanu kaznu optuženi su dužni platiti u roku od 30 dana od dana pravosnažnosti presude a ukoliko novčana kazna ne bude plaćena u navedenom roku ista će se zamjeniti kaznom zatvora tako što će se za svaki započetih 100,00 KM novčane kazne odrediti jedan dan zatvora, smatrajući da je ova krivično pravna sankcija adekvatna težini krivičnog djela kao i ličnosti učinioca i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

U skladu sa odredbama člana 202. stav 1. ZKP FBiH optuženi se obavezuje da na ime troškova krivičnog postupka-paušala plate iznos od **po** 50,00 KM u roku od 30 dana računajući od dana pravosnažnosti presude.

Na osnovu odredba člana 212. stav 3. ZKP FBiH oštećeni G. V. sin I. iz J., T. broj ..., sa imovinsko pravnim zahtjevom upućuje na parnični postupak jer podaci iz spisa ne pružaju pouzdan osnov za potpuno niti djelimično presuđenje imovinsko pravnog zahtjeva oštećenog.

Na osnovu svega navedenog odlučeno je kao u dispozitivu presude.

PRAVNA POUKA:

Protiv ove presude dozvoljena je žalba
Kantonalnom sudu u Zenici putem ovog suda
u roku od 15 dana od dana prijema presude.

SUDIJA

Besima Ajanović

